

ხელშეკრულება საქონლის შესყიდვის შესახებ # 60-4-117-1009

ქ. თბილისი

2017 წ. 30.05

I. მხარეები

1.1 წინამდებარე ხელშეკრულება დადებულია 2017 წლის 30.05, ერთი მხრივ სს „საქართველოს სახელმწიფო ელექტროსისტემის“, წარმოდგენილი მისი რეაბილიტაციის მმართველის/მმართველთა საბჭოს თავმჯდომარის სულხან ზუმბურიძის სახით (შემდგომში – „შემსყიდველი“) და მეორეს მხრივ შპს „სანდრო“-ს (შემდგომში – „მიმწოდებელი“) შორის, წარმოდგენილი დირექტორს მინდობილი პირის, დირექტორის მოადგილის თამაზ მოფინაძის სახით სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი (CPV კოდი : 38400000) დანართი №1-ის (ფასების ცხრილი) და დანართი №2-ის (საქონლის ტექნიკური პარამეტრები (ძირითადი მახასიათებლები) და რაოდენობა) შესაბამისად.

2.2 დანართი №1 და დანართი №2 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს 14 040,82 (თოთხმეტი ათას ორმოცი ლარი და 82 თეთრი) ლარს დღგ-ს ჩათვლით (შემდგომში – „ხელშეკრულების ღირებულება“).

3.2 ანგარიშსწორება განხორციელდება ფაქტიურად მოწოდებულ საქონელზე მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 8 (რვა) სამუშაო დღის განმავლობაში.

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა გადასცეს „შემსყიდველს“ ნივთობრივად და უფლებრივად ნაკლისაგან თავისუფალი საქონელი (ახალი, ექსპლუატაციაში არ მყოფი) ხელშეკრულების გაფორმებიდან არაუმეტეს 45 (ორმოცდახუთი) კალენდარულ დღეში შემდეგ მისამართზე: ქ.თბილისი, ქინძმარაულის ქ. #29, სს „სსე“-ს მატერიალურ-ტექნიკური ბაზა.

4.2 საქონელის მოწოდება უნდა განხორციელდეს წინამდებარე ხელშეკრულების დანართი#1-ის (ფასების ცხრილი) და დანართი#2-ის (საქონლის ტექნიკური პარამეტრები (ძირითადი მახასიათებლები) და რაოდენობა) შესაბამისად.

4.2.1 „მიმწოდებელმა“ საქონლის მოწოდებისას უნდა წარმოადგინოს საქონლის ხარისხის და/ან წარმოშობის სერტიფიკატი, საექსპლუატაციო დოკუმენტაცია და პასპორტი.

4.3. „შემსყიდველი“ მოვალეა:

4.3.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.3.2 შეამოწმოს საქონლის მდგომარეობა ვარგისიანობაზე;

4.3.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

4.4 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.5 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან.

ელექტრონული ტენდერი #SPA170003829 სს „საქართველოს სახელმწიფო ელექტროსისტემისათვის“ ზეთში ტემპერატურის და ტენშემცველობის განმსაზღვრელი ხელსაწყოთა და ზეთის ტუმბოს მანომეტრის შესყიდვაზე. „მიმწოდებელი“ - შპს „სანდრო“.

საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

V. გარანტია

5.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესაბამისი ექსპლუატაციის პირობებში „მიმწოდებლის“ მიერ მოწოდებულ საქონელზე საგარანტიო ვადა არის:

- ❖ „ზეთის ტუმბოს მანომეტრი“ - მიღება-ჩაბარების აქტის გაფორმების დღიდან 18 (თვრამეტი) თვე;
- ❖ „ზეთში ტემპერატურის და ტენშემცველობის განმსაზღვრელი ხელსაწყო“ - მიღება-ჩაბარების აქტის გაფორმების დღიდან 12 (თორმეტი) თვე;

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოასწოროს ხარვეზი „შემსყიდველის“ წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია „მიმწოდებელმა“ „შემსყიდველის“ წერილობითი შეტყობინების მიღებიდან 45 (ორმოცდახუთი) კალენდარული დღის განმავლობაში უნდა შეცვალოს საქონელი.

VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0,1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ ტრანსფორმატორების სარემონტო სამსახურის უფროსი - ნოდარ გაგაშელი.

7.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

9.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული საქონლის ღირებულება.

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XII. შესყიდვის ობიექტის მიღება-ჩაბარების წესი

13.1 მიღება-ჩაბარების აქტი ფორმდება ფაქტიურად მოწოდებული საქონლის მიხედვით.

13.2 საქონლის მოწოდებისას “შემსყიდველის” მიერ წინამდებარე ხელშეკრულების 7.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

13.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

XIV. ხელშეკრულების მოქმედების ვადები

14.1. ხელშეკრულება ძალაში შედის მხარეთა მიერ ხელმოწერისთანავე.

14.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2017 წლის 30 სექტემბრის ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

ელექტრონული ტენდერი #SPA170003829 სს „საქართველოს სახელმწიფო ელექტროსისტემისათვის“ ზეთში ტემპერატურის და ტენზომეტრის განმსაზღვრელი ხელსაწყოთა და ზეთის ტუმბოს მანომეტრის შესყიდვაზე. „მიმწოდებელი“- შპს „სანდრო“.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები, პროგრამის დეტალები, ხელშეკრულების ფარგლებში „მომწოდებლისთვის“ „შემსყიდველის“ მიერ მიწოდებული ან/და თანდართული მომსახურების გაწევის დროს გაცვლილი ნებისმიერი ინფორმაცია წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

XVI . მხარეთა რეკვიზიტები

„შემსყიდველი“

„მიმწოდებელი“:

სს „საქართველოს სახელმწიფო
ელექტროსისტემა“

შპს „სანდრო“

ქ. თბილისი, ბარათაშვილის ქ. №2

საიდ. კოდი: 204995176

სს „თიბისი ბანკი“

ცენტრალური ფილიალი

ბანკის კოდი: TBCBGE22

ანგარიშის № GE02TB0600000102467636

ქ.ბათუმი, ლერმონტოვის ქ №107ზ ბ.39

საიდ.კოდი : 445418058

სს „თიბისი ბანკი“

ბანკის კოდი: TBCBGE22

ანგარიშის № GE31TB7642536080100003

სულხან ზუმბურიძე
მმართველთა საბჭოს თავმჯდომარე /
რეაბილიტაციის მმართველი

თამაზ მოფინაძე
დირექტორს მინდობილი პირი/
დირექტორის მოადგილე

ბ.ა



ელექტრონული ტენდერი #SPA170003829 სს „საქართველოს სახელმწიფო ელექტროსისტემისათვის“ ზეთში ტემპერატურის და ტენზომეტრის განმსაზღვრელი ხელსაწყოთა და ზეთის ტუმბოს მანომეტრის შესყიდვაზე. „მიმწოდებელი“- შპს „სანდრო“.

დანართი # 1
ფასების ცხრილი:


#	საქონლის დასახელება	საქონლის მარკა ან მოდელი	რაოდენობა (ცალი)	წარმოშობის ქვეყანა/მწარმოებელი კომპანია	ერთეულის ფასი (ლარი)	საერთო ფასი (ლარი)	კლასიფიკატორის კოდი
1	2	3	4	5	6	7	8
1	ზეთის ტუმბოს მანომეტრი	TM-520	77	რუსეთის ფედერაცია ЗАО "РОСМА", г. Санкт-Петербург	67,00	5 159	0665
2	ზეთში ტემპერატურის და ტენზომეტრის განმსაზღვრელი ხელსაწყო	EE381	2	E+E Elektronik Ges.m.b.H, ავსტრია	4 440,91	8 881,82	0661
საერთო ფასი დღგ-ს ჩათვლით					14 040,82 ლარი		

- საქონლის მთლიანი ღირებულება შეადგენს 14 040,82 (თოთხმეტი ათას ორმოცი ლარი და 82 თეთრი) დღგ-ს ჩათვლით და ითვალისწინებს ყველა ხარჯს, მათ შორის ტრანსპორტირების ხარჯს შემსყიდველის შემდეგ მისამართზე : ქ.თბილისი, ქინძმარაულის ქუჩა #29, სს „სსე“-ს მატერიალურ -ტექნიკური ბაზა.

„შემსყიდველი“

სს „საქართველოს სახელმწიფო ელექტროსისტემა“

სულხან ზუმბურიძე
მმართველთა საბჭოს თავმჯდომარე
რეაბილიტაციის მმართველობის ხელმძღვანელი



„მიმწოდებელი“



შპს „სანდრო“

თამაზ მოფინაძე
დირექტორის მინდობილი პირი/
დირექტორის მოადგილე
ბ.ა



დანართი # 2

საქონლის ტექნიკური პარამეტრები (ძირითადი მახასიათებლები)


№	საქონლის დასახელება	ტექნიკური პარამეტრები (ძირითადი მახასიათებლები)
1	ზეთის ტუმბოს მანომეტრი	ტრანსფორმატორების ზეთის ტუმბოს მანომეტრი, ზეთის წნევის გასაზომი, საერთო ტექნიკური ტიპის, არააგრესიული სითხეების და გაზების წნევის გამზომი, სიზუსტის კლასი-1. ხელსაწყო აუცილებელია მუშაობდეს ვიზრაციის რეჟიმში 0-დან 4 კგ/სმ ² წნევის პირობებში, მექანიზმი ფერადი ლითონის, დაცვის ხარისხი IP65. კორპუსის დიამეტრი 100მმ. შტუცერი- ფერადი ლითონის, მიერთება რადიალური, ხრახნი- M20X1,5, გაზომვის დიაპაზონი-0-4,0 კგ/სმ ² (0-0,4მპა) ციფერბლატი დაფარული უნდა იყოს ორგანული მინით გარემოს ტემპერატურა -200 , +600 C, გასაზომი გარემო-+1000 C. "0"-ის მაჩვენებელთან ვაკუუმისკენ აუცილებელია ჰქონდეს მექანიკური შემძლეველი, ისრის საწინააღმდეგო მიმართულებით დატრიალების თავიდან ასაცილებლად
2	ზეთში ტემპერატურის და ტენზომეტრის განმსაზღვრელი ხელსაწყო	სატრანსფორმატორო ზეთში ტემპერატურის და ტენზომეტრის განმსაზღვრელი მცირე გაბარიტიანი ხელსაწყო- სატრანსფორმატორო ზეთის დეგაზაცია- გაცხელება- დამუშავების პროცესში უწყვეტ რეჟიმში აღრიცხავს გამდინარე ზეთში არსებულ ტენზომეტრულ და ტემპერატურას დისპლეიზე ციფრული ინდიკაციის საშუალებით. ხელსაწყო მონტაჟდება სადეგაზაციო დანადგარის მილგაყვანილობაზე და იხრახნება დუ-50 ლითონის მილში. ხელსაწყო დამზადებული არის დამზადებული უჟანგავი ლითონისაგან. ხელსაწყო ძაბვასთან და სხვა კომუნიკაციებთან მისაერთებლად აღჭურვილი არის შესაბამისი შტუცერით. ხელსაწყო გაბარიტები- სიგრძე-208მმ., სიგანე-54მმ., სისქე-40მმ., ზეთში შემავალი მიმწოდის სიგრძე-32მმ., ხრახნი-G1/2" ISO.   1. ტემპერატურის გაზომვის დიაპაზონი- 4-20მილიამპერი≈0-1000 C 2. ზეთში ტენზომეტრის გაზომვის დიაპაზონი - 4-20მილიამპერი ≈0-100ppm 3. უშუალოდ ხელსაწყოზე დატანილია დისპლეი, სადაც მუდმივად ფიქსირდება ტემპერატურის და ტენზომეტრის გაზომილი სიდიდეები 4. კვების წყარო-10-30ვოლტი მუდმივი დენი 5. დაცვის ხარისხი- IP65

„შემსყიდველი“

სს „საქართველოს სახელმწიფო ელექტროსისტემა“

სულხან, ზუმბურიძე
მმართველთა საბჭოს თავმჯდომარე/
რეაბილიტაციის მმართველი

ბ.ა



„მიმწოდებელი“

შპს „სანდრო“

თამაზ მოფინაძე
დირექტორის მოადგილე

